

Ilisaritinneq

Karl Andersen, 28-nik ukiulik Uummannamilu perortoq – angajoqqaat imerajuttut sisamanik mee-raqartut nukarliliaat. Angani toqusimasoq atigalugu kuisinneqarsimasoq – ilaqutariinni qujagisaq, arnaatami aamma ernerimmagu.

Angajoqqaakka matoqqasorujussuusimapput sulilumi taamaapput, pisut pillugit oqaloqatigiinnis- saq saperpaat.

Soorlu uanga angajoqqaannut tunngasut atsannit Danmarkimi najugalimmit paasivakka, taanna pe-riarfissaqalernikka tamaasa tikeraartarpara.

Ataataga oqaluttuanngisannarsimavoq, ulluni ulapaffiginerpaasamini ukiuit marlussuit Qullissani najugaqarsimalluni aamarsuarnik paaaffik pissutigalugu. Arnaatigisimasani meerartaaqatigineq sapersimallugu, angajoqqaaminit illoqarfimmiit aallartitaasimagami kamarujussuortoqarsimanera pissutigalugu. Naak arnaq taanna asasimagaluarlugu aammalu piffissami tassani meerartaarnissani assut kissaatigisimagaluarlugu, tamatuma kingorna Uummannamut uterpoq anaanagalu naapillugu. Qularnanngitsumik ataataga piffinni allaniittarsimassaaq suli uanga tusarsimanngisanni. Aamma maannakkut oqaloqatiginissaa suli sapernerulersimavoq, tassami siorna (2009-mi) qaratsamigut aanaartoornikuugami, taamaallaallu oqarsinnaalluni aap aamma naamik.

Anaanaga nukappiaraannarnik ernisarsimavoq naak niviarsiaraq kissaatigisarisimagaluarlugu aam- ma siullermik qitornartaaramik toqungalluni inunngorsimavoq. Massakkut ukioqarnerulerama, ima paasisarpara, tamanna anaanama assut nikalluutigisimagaa, naggataatigullu qaratsamigut aanaar- toorluni (napparsimalerluni) aamma tamatuma kingunerisaanit paasilluarsinnaalerpara, sooq anga- juma nukarlarsaat ilagalugu Meeqqat angerlarsimaffiannut inissinneqarnerluta.

10-11 ukioqarlungali Uummannami Meeqqat Angerlarsimaffianni najugaqarpunga, apersortinnis- sa ukiumik ataatsimik sioqqullugu anaanaga toquvoq, Ikerasammut pisussimagami (taanna nunaqar- fiuvoq Uummannap qanittuani) qanigisani uterfiginiarlugit aamma 2006 (23-24 ukioqalernissara) tikillugu Meeqqat angerlarsimaffianni najugaqarpunga, tassani Pisiniarfimmi ikiortitut ilinniagaqar- lunga naammassivunga. Atuarfimmik qatsussineq pissutigalugu, misilitsinnissami aalajangersima- sumi angusinngitsoorpunga. Suliffimmi sungiusarfigisanni soraarsinneqarpunga, tamatuma kingor- na ikiorneqarpunga ilinniakkama ingerlateqqinnissaanut. Ilinniagara naammassigakku IT-mik siun- nersortinngorniarnissara qinerpara, tamanna illoqarfimmi allaalluinnartumi (Nuummi) inuuninni nu- taamik aallartitsinissannik tunisivoq. Massakkullu suliffimmi sungiusarfigisimasanni suliffissarsior- tuuvunga aamma tamatumunnga utaqqitillunga Meeqqat angerlarsimaffianni paarlattaallunga suli- sarpunga, allaffimmi suliassanik suliaqartarlunga aamma meeqqat atuanngiffeqarnerisa nalaani bii- lertuusarlunga meeqqallu paarisarlugit.

Ilinniaqqinnerup nalaani, Annimit aamma Annettemit pitsaasumik siunnersorneqartarpunga, tassa-
mi imminut isumagisussanngorama ilinniagaqarnermalu saniatigut suliffeqalerlunga, siullermik
kioskimi ikiortitut naggataatigullu qaammatit marluk ingerlaneranni Nuummi Pisiffimmi unnukkut
karsimik aqutsisutut (matusisartuusarlunga).

Ilinniakkama naammassinerannut peqqutaavoq, illoqarfiup inunngorfigisama qimannissaa ilikka-
rakku meeqqat angerlarsimaffianniitillunga. (Tassa angerlarsinnginnissaq ilikkarakku, Uummanna-
miit aallakulasimanermik)

Suliniuteqareernermi malinnaaffigineqarneq

Danmarkimi ukiut marluk efterskolemi atuareernerma kingorna 2001-imi Uummannamut uterpu-
nga, Pilersuisullu illoqarfimmi pisiniarfiani ilinniartunngorpunga, taamaasillungalu angajuma acqu-
tigisimasaa atulerlugu – meeqqat angerlarsimaffiata namminiilernissamut sungiusarfiusartumut
“B6”-imut nuuppunga, nukappiaraq alla ilagalugu. Anni aamma Annette attavigisarlugit, kisianni
ulluinnarni meeqqat angerlarsimaffianni sulisut suli attavigisarlugit, aperisinnaalluta qanoq iliussa-
nerluta, soorlu igaassaq aalajangersimasoq unnukkorsiutissatut iganiarutsigu. Aamma piffissami
pineqartumi pisariaqartissimavara sapaatip akunneranut marlunnulluunniit nerisassiornissamut pi-
lersaarusiornissannut aamma niuerniarnissamut inersimasut (sulisut) ilaannit ikiorneqarnissara.
Aamma “B6”-imi najugaqartillunga ilinniarpara, qanoq iliussanerlunga, atisannik nammineq error-
siniaruma.

Soorlu atisat nutaat qanittumi pisiarisimasakka immikkoortillugit errortariaqarikka.

Ilinniagaqarnerup nalaani Ilulissaniitillunga imaluunniit Qaqortumiitillunga, uannut annertuumik
pingaaruteqarsimavoq, angerlarsimaffimmut sianerlunga Annimit imaluunniit Annettemit “naveer-
sittarsimagama”, taamanimi tamanna pisariaqartissimavara, ingasappallaalaartumik atuanngitsoor-
tarsimagama.

”Inuusogatigisakka” ima paasillugu taakku najugaqatigisimasakka uannut assersuutigissagukkit –
taava maannamut kisimiillunga annertusisamik ilinniarsimasuugunarpunga aamma immaqa ilinnia-
gaqittariaqassaanga suliffik qinnuteqarfigisimasara iluatsinngippat.

Suliniuteqareernermi malinnaasarneq pillugu oqallikkatta, pingaaruteqartorujussuuvoq imminut
ilaatigut eqqaasittassalluni attaviginnittarnerup ingerlatiinnarnissaa. **Tassa** meeqqat paarsarisimasat
kingumut qivialaarlugit, meeqqat angerlarsimaffianniit anisimagaluarpataluunniit oqaloqatigisarlu-

git, tassami imaassinnaavoq tamanna pisariaqartikkaat, aamma upperisinga oqaruma, uanga tamanna pisariaqartissimagakku.

Uanga assut nuannaarutigisimavara, Uummannami Meeqqat Angerlarsimaffiata tapersersortarsimammanga, tassami inuit taakku saaffiginissaat naatsorsuutigisinnaasimavara – ataatannut imaluunniit qatanngutinnut sanilliullugit aamma saaffiginninnissaq kisiat piinnarlugu inuit saaffigisarsimangilakka. Nammineq kissaatigisara malillugu Uummannami Meeqqat Angerlarsimaffianni najugaqartutut nalunaarsorsimanera ingerlatiinnarsimavara ilinniagaqarnerup nalaani aammalu imminut naalakkernissara sapertarsimallugu ilaannilu ullaakut makinneq sapertarsimallunga, ingamik sapaatip akunnerata naanerani, tassami ilaatigut arfininngornikkut sulisussaasarama. Inuuninnut nammineq akisussaassuseqarlunga ilinniartariaqarsimavara, kukkussutikka iluatsitsinikkalu ilinnitigalugit, pitsaasumik siunnersortinnikkut tatigisinnaasannillu oqaloqateqarneq assut pingaaruteqarsimavoq aamma naak meeqqat angerlarsimaffiat najorunnaareersimagaluarlugu.

Naak ullumikkut ukiut 4 qaangiunnerisa kingorna Anni imaluunniit Annette oqaloqatigisinnaasarpapa sorpassuit inuuninnut tunngasut pillugit, naak Uummannami imaluunniit maani Ilulissani, Nuummi aamma Danmarkimi oqaloqatigisinnaasannik ikinnguterpassuaqaraluarlunga.

Naggataatigut: Suliffik pissarsiarivara, Uummannamut uteruma, angerlarlunga pigisannik poortuilunga aallartissaanga taavalu Nuummut nuullunga Nunatta Peqqinnissaqarfiani IT-mik siunnersortitut sulilerlunga.